



e-Buletin

KEMENTERIAN KESIHATAN MALAYSIA



KAMI SEDIA MEMBANTU

EDISI FEBRUARI 2015



"MyNutriApps II : MyNutriDiari"



SEKOLAH DALAM HOSPITAL

PM & YBMK :
SERI AMAN, SARAWAK



<http://www.moh.gov.my>



[www.facebook.com/pages/
kementerian-kesihatan-malaysia](http://www.facebook.com/pages/kementerian-kesihatan-malaysia)



<http://twiter.com/kkmputrajaya>



[http://www.youtube.com/
kementeriankesihatan](http://www.youtube.com/kementeriankesihatan)



[http://instagram.com/
kementeriankesihatanmalaysia](http://instagram.com/kementeriankesihatanmalaysia)

“MYNUTRI APPS II : MYNUTRIDIARI”

Tarikh : 17 Februari 2015

Tempat : Dewan Serbaguna, IPKKM, Putrajaya

YB Datuk Seri Dr. S. Subramaniam, Menteri Kesihatan Malaysia telah melancarkan MyNutri Apps II dalam Majlis Perhimpunan Bulanan. Majlis ini turut dihadiri oleh YB Dato' Seri Dr. Hilmi Yahaya, Timbalan Menteri Kesihatan, YBhg Datuk Farida Mohd Ali, KSU KKM dan YBhg Datuk Dr. Noor Hisham Abdullah, KPK. MyNutriApps merupakan satu program untuk menyebarkan maklumat pemakanan sihat kepada masyarakat. MyNutriApps membolehkan pengguna memantau berat badan sendiri, mendapatkan

maklumat berkaitan pemakanan sihat dan membantu pengguna membuat pilihan makanan dengan lebih bijak. Aplikasi MyNutri Apps II : MyNutri Diari boleh dimuat turun di portal rasmi Kementerian Kesihatan.



MAJLIS PENTAU利亚HAN AKRAB 2015

Tarikh : 5 Februari 2015

Tempat : Dewan Serbaguna, IPKKM, Putrajaya

YB Dato' Seri Dr. Hilmi Hj. Yahaya, Timbalan Menteri Kesihatan telah merasmikan Majlis Pentauliahan Akrab 2015 dengan tema “Akrab Agen Transformasi”. Semua peserta AKRAB memperoleh banyak manfaat sepanjang penglibatan menjadi rakan pembimbing dan seharusnya menjadi contoh terbaik dalam membudayakan nilai murni dan cara bekerja yang efisen.

Tarikh : 6 Februari 2015

Tempat : Hospital Raja Perempuan Zainab II

YBhg Datuk Farida Mohd Ali, Ketua Setiausaha menyempurnakan majlis penyerahan Kompleks

Rawatan Harian (*Ambulatory Care Centre*) Hospital Raja Perempuan Zainab II yang turut dihadiri Datuk Ir. Annies Mohd Ariff, Ketua Pengarah JKR.

Projek yang bermula sejak 1 Oktober 2010, yang mengandungi 2 bangunan dengan keluasan lantai 35,779.75 meter persegi dilengkapi dengan 6 bilik dewan bedah, ruang pejabat baru bagi Jabatan Diagnostik, Jabatan Farmasi dan ruang hemodialisis, perkhidmatan kepakaran Otorinolaringologi (ORL), Ortopedik, Oftalmologi dan pembedahan am.



CODEX COMMITTEE ON FATS & OILS DINNER



Tarikh : 9 Februari 2015

Tempat : Hotel Equatorial, Melaka

YB Dato' Seri Dr. Hilmi Bin Haji Yahaya, Timbalan Menteri KKM telah merasmikan “24th Session Codex Committee on Fats & Oils”. Mesyuarat yang bertujuan untuk menyumbang idea terhadap bagaimana Jawatankuasa Lemak dan Minyak akan menyumbang kepada pelaksanaan Pelan Strategik Codex dan membangunkan hubungan dengan Jawatankuasa Codex lain. Codex Minyak dan Lemak merupakan piawaian dalam memastikan minyak dan lemak termasuk daripada haiwan dan sayur-sayuran adalah selamat, baik dan menyihatkan untuk masyarakat dunia. Standard Codex minyak dan lemak mesti relevan dengan kedudukan semasa, sentiasa dikaji dan di kemaskini. Pada sebelah malam, YBhg Datuk Farida Mohd Ali, Ketua Setiausaha KKM telah menghadiri makan malam bagi mewakili YBTMK.



LAWATAN KERJA KSU KE SARAWAK



MIRI

Tarikh : 12 Februari 2015

Tempat : KK Miri & Klinik Pergigian Miri

Datuk Farida Mohd Ali, Ketua Setiausaha KKM telah melakukan lawatan ke sebahagian fasiliti kesihatan di negeri Sarawak. Turut hadir bersama Datu Dr Zulkifli Jantan, Pengarah JKN Sarawak dan Dr. Chin, Pengarah Hospital Umum Sarawak. Tujuan lawatan adalah untuk meninjau sendiri operasi klinik, mengetahui akan prestasi pencapaian dan mendapatkan maklumbalas warga kerja KKM dalam memenuhi hasrat rakyat dalam memberikan perkhidmatan lebih berkualiti.



HOSPITAL UMUM

Tarikh : 12 Februari 2015

Tempat : Hospital Umum Sarawak

YABhg Dato Sri Datin Paduka Hajah Noorainee Binti Abdul Rahman, isteri YAB TPM mengadakan lawatan ke Sekolah Dalam Hospital (SDH) di Hospital Umum Sarawak (HUS). Lawatan ini turut diiringi YABhg Datin Patinggi Dato' Hajah Jamilah Haji Anu serta YBhg Datuk Farida Mohd Ali, KSU. Program SDH bertujuan untuk mengurangkan dan meredakan kesakitan yang di alami pesakit kanak-kanak sekolah rendah hingga menengah dan telah dianggarkan sebanyak 200 pesakit sebulan sejak mula beroperasi pada 18 Ogos 2014.



MOU antara MFRDB dan BPK

Tarikh : 13 Februari 2015

Tempat : Forest Research Institute Malaysia (FRIM)

YBhg. Datuk Dr. Noor Hisham Bin Abdullah, Ketua Pengarah Kesihatan telah menandatangani memorandum persefahaman di antara Lembaga Penyelidikan dan Pembangunan Perhutanan Malaysia (MFRDB) dengan Biro Pengawalan Famaseutikal Kebangsaan (BPK), KKM. FRIM memainkan peranan penting dalam penghasilan penyelidikan dalam usaha menyokong BPK sebagai badan regulatori. Kerjasama ini dapat meningkatkan imej kedua pihak dalam bidang herba di Malaysia.



SAMBUTAN HARI KUSTA SEDUNIA 2015

Tarikh : 14 Februari 2015

Tempat : Hospital Sungai Buloh

YBhg Datuk Dr. Lokman Hakim Sulaiman, Timbalan Ketua Pengarah Kesihatan (Kesihatan Awam) telah merasmikan Majlis Sambutan Hari Kusta Sedunia yang bertemakan “Berganding tenaga, mengesan & merawat semua kes baru & berulang” di pusat kawalan kusta, Hospital Sungai Buloh.



SESI DIALOG KSU & PEGAWAI KERJA SOSIAL PERUBATAN

Tarikh : 6 Februari 2015

Tempat : Hospital Raja Perempuan Zainab II

YBhg Datuk Farida Mohd Ali, Ketua Setiausaha KKM telah menghadiri sesi dialog bersama pegawai-pegawai kerja sosial perubatan Hospital Raja Perempuan Zainab II. Turut hadir Pengarah JKN Kelantan, YBhg Dato' Dr. Hj. Ahmad Razin dan Pengarah HRPZ II, YBhg Dato' Dr. Ghazali Hasni B. Md. Hassan. Acara lain diadakan adalah penyampaian bantuan oleh Majlis Agama Islam Kelantan kepada 12 pesakit. Bantuan perubatan yang diberikan berupa kerusi roda, kaki palsu, susu, wang tunai dan peralatan perubatan. Tabung Kebajikan Perubatan Malaysia turut menyumbang RM96,819.85 kepada pihak HRPZ II.



LAWATAN KERJA KSU KE KK PRESINT 18, PUTRAJAYA

Tarikh : 18 Februari 2015

Tempat : Klinik Kesihatan Presint 18

YBhg Datuk Farida Mohd Ali, KSU KKM telah mengadakan lawatan ke Klinik Kesihatan Presint 18. Lawatan bertujuan memantau persiapan persediaan pembukaan klinik dari segi pengurusan maklumat, penyediaan perkhidmatan dan mengenalpasti keadaan bangunan telah siap sepenuhnya. Turut hadir ialah Dato Dr. Narimah, Pengarah JKNWP. Klinik Kesihatan Presint 18 mampu menampung sehingga 800 pesakit sehari serta dilengkapi dengan sistem TPC-OHCIS yang dijangka beroperasi pada 2 Mac 2015 bagi menggantikan klinik sementara di Presint 3.



LAWATAN KSU KE KEDAH

Tarikh : 23 Februari 2015

Tempat : Hospital Sultanah Bahiyah

YBhg Datuk Farida Mohd Ali, Ketua Setiausaha KKM telah membuat lawatan ke Pusat Unit Perubatan Tradisional dan Komplementari (TCM) Hospital Sultanah Bahiyah (HSB), Kedah. Turut hadir bersama ialah Dato' Dr Azman, Pengarah Perkembangan Perubatan, Dato Dr Nooraini Baba, Pengarah Perancangan dan Dato Dr. Norhizan, Pengarah JKN Kedah. Tujuan lawatan adalah untuk melihat masalah serta perancangan pihak hospital untuk mengubahsuai bangunan hospital lama ini kepada cadangan *Ambulatory Care Center* dan Pusat Hemodialisis termasuk penambahan wad. Secara keseluruhan, HSB ini disediakan peruntukan sebanyak RM30 juta untuk pembangunan semula dan ubahsuai bagi memindahkan perkhidmatan day care serta wad. Beliau turut berkesempatan melawat ke Hospital Sungai Petani Lama dan Hospital Sultan Abdul Halim.



Talent Grooming Programme Inspirational Leadership Podium

Tarikh : 26 Februari 2015

Tempat : Institut Pengurusan Kesihatan

YBhg. Datuk Dr. Noor Hisham bin Abdullah, Ketua Pengarah Kesihatan telah menghadiri "*Talent Grooming Programme Inspirational Leadership Podium*" yang menyediakan platform untuk tokoh masyarakat terkemuka berkongsi pengalaman dan pengetahuan mereka dalam kerjaya lama dan kecemerlangan mereka. Tokoh penceramah ialah YBhg Tan Sri Rafidah Aziz, memberi tajuk "*The Power of Platform: Strategic Shift Towards Leadership Excellence*". Beliau mengupas mengenai pemimpin yang betul bukan saja memupuk dan merangsang kecemerlangan dalam organisasi malah harus mempunyai sifat integriti, disiplin, komitmen, menjadi motivasi, inovatif dan berpandangan jauh.



PENGIFTIRAFAN IKON PENGURUSAN PROJEK 2014

Tarikh : 13 Februari 2015

Tempat : Miri, Sarawak

YBhg. Datuk Farida Mohd Ali, Ketua Setiausaha telah menghadiri Mesyuarat Ketua Setiausaha Negara yang dipengerusikan oleh YBhg. Tan Sri Dr. Ali Bin Hamsa, Ketua Setiausaha Negara dan turut dihadiri oleh YBhg. Datuk Dr. Noor Hisham Abdullah, KPK. KSN telah mengiktiraf dan memberi penghargaan kepada KKM bagi Ikon Pengurusan Projek 2014 daripada Laporan Penilaian Outcome Program/ Projek Pembangunan JK Kerja Penilaian Outcome Tahun 2014. Selain itu KKM juga mendapat sijil penghargaan dengan meraih tempat Kedua dalam Anugerah Best Practices Penilaian Inspektorat dan tempat Ketiga dalam Anugerah Penilaian Outcome. Laporan ini merupakan inisiatif daripada ICU (*Implementation Coordination Unit*) yang bertujuan untuk menilai sesuatu projek samada mencapai sasaran dan objektif yang telah ditetapkan serta memberi impak kepada golongan sasar.



MAJLIS PERSIDANGAN PERWAKILAN TRI TAHUNAN



Tarikh : 26 Februari 2015

Tempat : Goldcourse Hotel, Klang

YBhg. Datuk Farida Mohd Ali, Ketua Setiausaha mewakili Menteri Kesihatan telah merasmikan Majlis Persidangan Perwakilan Tri Tahunan Kesatuan Kebangsaan Pembantu Perawatan Kesihatan (PPK) Semenanjung Malaysia Kali Ke-26. Persidangan ini telah dihadiri seramai 300 orang perwakilan dari Semenanjung Malaysia. Selaku presiden CUEPACS, YBhg. Datuk Azih bin Muda, menyarankan supaya Kesatuan PPK menambah

staff kerana setakat ini hanya 6,000 staff yang bertugas di semenanjung Malaysia. Presiden Kesatuan PPK, Tuan Hj Ramli Zakaria memohon agar skim PPK dinaik taraf selaras dengan peranan dan tugas-tugas yang dilakukan. Pihak KKM sentiasa prihatin terhadap kebajikan warga KKM dan akan berusaha ke arah penambahbaikan skim dari segi laluan kerjaya, faedah dan pembangunan modal insan.





LAWATAN KERJA YBMK KE HOSPITAL SERIAN

Tarikh : 26 Februari 2015

Tempat : Hospital Serian, Sarawak

YB. Datuk Seri Dr. S. Subramaniam, Menteri Kesihatan telah membuat lawatan kerja ke Hospital Serian, Sarawak. Turut hadir ialah Pengarah Hospital Serian, Dr. Maria Mesran, Dato' Azman Pengarah Bahagian



Perkembangan Perubatan dan warga JKN Sarawak. Tujuan lawatan adalah untuk meninjau persekitaran kawasan hospital. Dalam rangka lawatan tersebut, beliau juga mengambil kesempatan untuk beramah mesra dengan warga kesihatan di hospital Serian.



MAJLIS PELETAKAN BATU ASAS OLEH PM

Tarikh : 27 Februari 2015

Tempat : Hospital Sri Aman

YAB Datuk Seri Mohd Najib Razak, Perdana Menteri telah merasmikan Majlis Peletakan Batu Asas Hospital Sri Aman, Sarawak. Pembinaan hospital itu adalah sebahagian daripada projek pembangunan kerajaan Persekutuan khusus dalam menyediakan kemudahan kesihatan yang lebih sempurna kepada masyarakat luar bandar di Bahagian ini. Turut hadir ialah Menteri Kesihatan, Datuk Seri Dr. S Subramaniam dan Timbalan Ketua Menteri, Tan Sri Alfred Jabu Numpang.



PERSARAAN PEGAWAI - PEGAWAI DI IPKKM BAGI BULAN FEBRUARI 2015


ZAILAN BINTI MOHD YUSOF

Jawatan/Tempat	PEGAWAI TADBIR DAN DIPLOMATIK (M54)
Tarikh Bersara	16.2.2015 (WAJIB)
Anugerah/ Pingat	Pingat AMN 2004
Tempoh Perkhidmatan	20.04.1979 HINGGA 16.02.2015 36 Tahun 9 Bulan


DR. NAZMA BINTI SALLEH

Jawatan/Tempat	PEGAWAI PERUBATAN (UD54)
Tarikh Bersara	18.2.2015 (WAJIB)
Anugerah/ Pingat	-
Tempoh Perkhidmatan	01.03.1987 HINGGA 18.02.2015 27 Tahun 11 Bulan


LATIFAH BINTI JUSOH

Jawatan/Tempat	JURURAWAT (U36)
Tarikh Bersara	1.2.2015 (WAJIB)
Anugerah/ Pingat	APC 1998, 2008
Tempoh Perkhidmatan	08.05.1981 HINGGA 01.02.2015 33 Tahun 8 Bulan


MAZNAH BINTI BUSU

Jawatan/Tempat	JURURAWAT (U36)
Tarikh Bersara	12.2.2015 (WAJIB)
Anugerah/ Pingat	APC 2001, 2009
Tempoh Perkhidmatan	04.10.1979 HINGGA 12.02.2015 35 Tahun 4 Bulan

PENASIHAT

KETUA SETIAUSAHA

YBhg. Datuk Farida Mohd Ali

KETUA PENGARAH KESIHATAN

YBhg. Datuk Dr. Noor Hisham Abdullah

TIMBALAN KETUA SETIAUSAHA (P)

Encik Saiful Anuar Bin Lebai Hussen

KETUA PENGARANG
Hapsah Binti Mohd Dusa

PENGARANG

Baharudin bin Mohamad
Mohd Azizan bin Azmi
Mona Ang

PENYUMBANG ARTIKEL

Pejabat Ketua Setiausaha
Pejabat Ketua Pengarah Kesihatan
Unit Komunikasi Korporat